

Redovni izvještaj dnevnih događaja i pojava

Izvještaj se odnosi na događaje u vremenskom periodu od 26.08.2026. godine od 08:00 sati do 27.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Požar na Plješevici je i dalje aktivan ali smanjenog inteziteta. Trenutno nema otvorenog plamena, prisutno je izdimljavanje zapaljenih panjeva. Požar se danonočno drži pod kontrolom kako se ne bi proširio prema četinarskoj šumi. Ta linija prijelaza se štiti na šumskom putu. Na terenu je Vatrogasna jedinica Bihać i radnici šumarije.

Grad Cazin. Požar koji je nastao 20.08.2026. godine oko 17:30 sati na području Velike i Male Gomile je ugašen. Tokom dana vršen je obilazak i kontrola. U 20:50 sati primljena je dojava za požar šume u kanjonu rijeke Une kod željeznog mosta. Zbog miniranog područja nije se pristupilo gašenju, vršen je samo nadzor.

Općina Bosanski Petrovac. Požar na Crnom vrhu i dalje aktivan – gore podzemni požari i panjevi, ali u najmanjem intenzitetu do sada. Tokom dana dežura oko 7 uposlenika šumarije. Požar je od kontrolom i opkoljen je sa pojasem kojeg su napravili sa masinama.

Tehničke intervencije

Općina Sanski Most. Vatrogasna jedinica općine Sanski Most imala je tehničku intervenciju od 15:50 do 16:35 sati na sapiranju ceste od ulja koje je iscurilo iz teretnog vozila.

Grad Bihać. Vatrogasna jedinica grada Bihaća imala je tehničku intervenciju, od 20:02 do 20:42 sati kod Muhine vrbe, na sapiranju ceste poslije saobraćajne nesreće.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području kantona su prohodni.

Duga je kolona vozila na izlazu iz Bosne i Hercegovine na GP Izačić. Na ostalim graničnim prelazima putnička vozila, za sada ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desile su se dvije saobraćajne nezgode. Jedno lice zadobilo je lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u u svim pravcima.

OBLAST VODOSNABDIJEVANJA (LP-18)

Grad Cazin. Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima,

tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim. Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 18 °C.

Vodostaj rijeke Une iznosi 21 cm, (početak obavještanja je 100 cm).

U općini Sanski Most u 08:00 sati temperatura je iznosila 17 °C.

Vodostaj rijeke Sane iznosi 73 cm (početak obavještanja je 310 cm).